



პირველ მაისობა.

ყოველ ქვეყანაში და ყოველ მარში, წელიწადში რამდენიმე დღესასწაულია, ყოველ წელს რამდენიმეჯერ შეაჩერებენ მუშაობას, გამოკეტვენ დუქნებს, დააყენებენ მანქანებს, შეასვენებენ ხარურმებს, დარეკვენ ზარებს და ყველა ღარიბი და მდიდარი, მუშა და ბურჟუა, გლეხი და აზნაური მოსვენებას ეძლევა. მაგრამ არის აგრეთვე ერთი დღე, რომლის დღესასწაულობა არ წააგავს არც ერთს ამთავანს, რომელიც არ არის გამოგონილი სათაყვანებლად წმინდანის, სადიდებლად გვირგვინოსანის, განსამტკიცებლად ცრუ—მორწმუნოების, დასაძინებლად გონების... არის ერთი ისეთი დღეობა, რომელსაც არ დღესასწაულობს ის, ვინც ყოველ დღე დღესასწაულშია, უარყოფს ის,—ვინც ყოველდღე თავისუფალია, ეწინააღმდეგება ის,—ვინც ყოველდღე ფუფუნებაშია. ეს დღე აძლევს ერთს იმედს და მეორეს—უიმედობას, ერთს—სასოფებას და მეორეს—სასოწარკვეთილებას, ერთს სიხარულს და მეორეს კმუნვარებას. **მართის სიტყვით—ის ქვეყანას** ჰყოფს ორ ბანაკად, ორ კლასად და როცა ერთისთვის მხიარულებაა,—მეორესთვის მოთქმა—გოდებაა. ეს საკვირველი დღე არის **დღე პირველი მაისისა.**

პირველი მაისობა არ ეკუთვნის იმას, ვინც განცხრომით ატარებს წუთი სოფელს, ვინც პატრონობს ქვეყნის სიმდიდრეს და ვისაც ჰმონებს მილიონობით ხალხი; არა, ის ეკუთვნის პირიქით მას—ვინც ტანჯვაში ატარებს ცხოვრებას, ვინც თავის შრომით ჰქმნის ყოველსავე სიმდიდრეს ამა სოფლისას, ვინც ცხოვრობს იმიტომ, რომ ბატონები აცხოვროს, მუშაობს იმიტომ, რომ უფროსები არჩინოს, მრავლობს იმიტომ, რომ იმათ ემონოს თვითონ და ამონოს თავის შვილები და შვილიშვილები!... ამ თანამედროვე მონათა სახელი **მუშაა**, მუშა ხალხი! და აი, პირველი მაისი მუშა ხალხის საკუთრებაა. მას არ გააჩნია სხვა რაიმე საკუთრება, მას არ შეაჩინეს სახლკარი, ადგილ-მამული, საკუთრების არაერთარი ნასახი, მას დაუტოვეს მხოლოდ მისი მარჯვენა:—წადი, იმუშავე და

ველი ბუნებისაგან მიიჩქებულა, მეორე მის მიერ შექმნილი. პირველი იარაღია მდიდართა გასამდიდრებლათ, მეორე იარაღია მდიდართან საბრძოლველად. პირველი მათ ამონებს შეძლებულთ, მეორე მათ ათავისუფლებს მონობისაგან, პირველი მისგან ჰქმნის სამუშაო მანქანას, მეორე მისგან ჰქმნის თავისუფალ მოქალაქეს და როცა თავისუფალ მისწრაფებას პირველ მაისისას, ის მიაშველებს ღონეს თავის მაჯისას—მაშინ 'შეიძრვის მთელი ქვეყანა და ძირიანად **დაინებრება არსებული წყობილება!** დიახ, ძალია შეიქმნს უფლებას! ძალია შეიქმნს ადამიანობას და ვაი, მუშა ხალხის ბრალი, თუ მან შემთხვევის დროს ეს იარაღი არ გამოიყენა! მარა სახამ ის ამას გამოიყენებდეს, მანამდე საჭიროა მისი ერთობა, მისი თვით-ცნობიერება და მისი მოძრაობა, და აი ამას უნერგავს მას **პირველი მაისი.**

პირველი მაისი არ არის საკუთრება თვითთელი მუშის, თვითთელი ოჯახის! არა, ის არის საკუთრება ყველა მუშის, სადაც და როგორც პირობებშიც უნდა ცხოვრობდეს იგი. ეს დღე აერთებს მუშას ერთი და იგივე ერისას, ეს დღე აერთებს მუშას სხვა და სხვა ერისას. ის აკავშირებს იმათ, ვინც დაყოფილია ერთ, ზნეჩვეულებით, ზღვა-ოკეანებით. ის უღვიძებს ერთსა და იმავე მისწრაფებას ფრანგს და ქართველს, რუსს და ინგლისელს, ნემეცს და სომეხს, ისპანელს და იტალიელს, ამერიკელს და ავსტრალიელს, ერთის სიტყვით,—**ყველას—მთელი ქვეყნის პროლეტარიატს.** ის არის ისეთი თვალთუხილავი ჯაჭვი, რომლის რგოლებს თვითთელი ერის მუშა ხალხი წარმოადგენს და რითაც გარს შემორტყმულია მთელი დედამიწა! პირველი მაისი ერთხმით აფეთქებს მილიონთა გულს, ერთნაირათ ამუშავენს მილიონთა გონებას, ერთი გრძნობით ადევლებს მილიონთა არსებას! ? დღეს ქვეყნის ყოველ კუთხეში აფრიალებულია ერთი და იგივე დროშა მუშათა ერთობის, მუშათა ძობის, მუშათა ბრძოლის დამხობის და სამართლიანობის აღდგენის, ამ დღეს მუშა ცხელი და ცივი ქვეყნის, ძველი და ახალ ქვეყნის თხოულობს ერთსა და იმავეს, უარ ჰყოფს ერთსადა იმავეს, ებრძვის ერთსადა იმავეს და მომავალს უმზადებს ერთსადა იმავეს; და აქ მუშა გრძნობს, რომ ის არ არის მარტო ობოლი, უმწყო და გარდაყულ . ის ფიქრობს, რომ





მთელი ჯარია, მზათ არის დაიცვას თავისი თავი და დაიფაროს თავისი ამხანაგები, და ეს ამბავებს მას გონებრივად, ასპეტაკებს ზნეობრივად და მით აღამიანი იქმნება აღამიანად.

პირველი მაისობა არის კლასის დღესასწაული!

პირველ მაისობა ეს ერთად ერთი დღესასწაულია, შემოღებული თვით ხალხის მიერ, თვით მუშის მიერ. დიახ მუშა, ეს გუშინ ასე დაბეჩავებული, ასე ყველასაკან აგდებული, ასე დამცირებული, დღეს ისე გაძლიერდა, ისე გამოაკეთდა, რომ თავის საკუთარ დღესასწაულსაც კი იარსებს!... დიახ ის დღეს აღარ არის ის, რაც იყო წინათ! ის დღეს ბუმბერაზია, ის მდგვია, რომლის ფეხის გადადგმა ანძრევს არე მარეს და რომლის ერთი დაძახება წვდება კიდიდან კიდეს. მხოლოდ მას შეეძლო ეთქვა ბურჟუაზიისათვის: შენ გასურს, მე დღეს ვიმუშავო და შენ ქონება გაგიმრავლო, მე არ მსურს და იქმნა ნება მუშისა!... მხოლოდ მას შეეძლო ეთქვა მთავრობისათვის: შენ გინდა მე ვადიდო ან მეფე ან წმინდანი! მე არ მინდა, მე მაქვს სატრფიალო საგანი, მე მყავს საკუთარი ღვთაება და ის მინდა ვადიდო; ეს ღვთაება მუშა ხალხია, ეს საგანი ჩვენი მისწრაფება! და იქმნა ნება მუშისა!... მხოლოდ მას შეეძლო ეთქვა თავის თავისათვის: ჩვენ დღეს იმდენად შევროებული და შეგნებული ვართ, რომ კაპიტალისტთა დაუკითხავად, პოლიციელთა ნება და ურთველად შეგვიძლიან მუშაობა შევწყვიტოთ, გამოვიდეთ და ჩვენი უფლება მოვითხოვოთ. დღე შეშფოთდენ ბატონები, დღე, იცოდენ რომ მუშახალხი აზვირთებულია და მათ ცარცვა--გლეჯას წაღვეს უზირებს!... და იქმნა ნება მუშისა! ასრულდა ის, რაც მან გადაწყვიტა, განხორციელდა ის, რაც მან მოისურვა და მით აღდგა ის მკედრებით და ფერხთა თვისთაგან გაირჯა მტვერი მონობისა და შეითვისა ღირსება აღამიანისა.

პირველი მაისი არის დღესასწაული შრომისა!

მაგრამ ეს ერთ დღეს არ დაბადებულა, ერთ კვირას, გინდ ერთ თვეს არ შემუშავებულა, ერთი ბძანებით არ შემოღებულა—ის ნელ-ნელა შემზადდა მუშა ხალხის გულში, ნელ-ნელა მომწიფდა და ძირი მოიმაგრა. ის ხან ერთ ქვეყანაში ამოყოფდა თავს, და ხან მეორეში. ხან ერთი წაატანდა ხელს, ხან მეორე და მხოლოდ პოლოს. შეიქნა ის საყოველთაო დღესასწაულად, პოლოს მიიღო ის ყველა ქვეყნის პროლეტარიატმა.

შრომის დღესასწაული პირველად დაიბადა ამერიკაში. 1884 წელს ოქტომბერში ამერიკის შეერთებულ მუშათა კორპორაციამ თავის წლიურ კონგრესზე ჰიკაგოში დაადგინა: „1886 წლის 1 მაისიდან შემოღებულ იქნას რვა საათის სამუშაო დღე და მიზნის განხორციელებას ეხლავე შეეკადონ მუშათა ყველა ორგანიზაციები“. ესევე გადაწყვეტილება განიმეორეს 1885 წლის კონგრესზე. მუშები თავიანთ პირობებში კაპიტალისტებთან უწყრდენ: 1886 წლის 1 მაისიდან ამპირობებს ძალა აღარ

ექნებათო. ცხადია, ეს იყო პირველი მაისობის და დღესასწაული, არამედ შრომის პირობის შეცვლის დღე. ეს იყო, თუ შეიძლება ასე ითქვას, შრომის დღე.

ნიუორკის ნემეცთა მუშების ცენტრალურმა კავშირმა 1885 წელს თავის კონგრესზე გადაწყვიტა: „რადგანაც სხვა და სხვა დღე წელიწადში კანონით არის დადგენილი, როგორც მოსვენების დღე სხვა და სხვა შემთხვევების პატივსაცემლათ, და რადგანაც არც ერთი ეს დღე არ არის დანიშნული მუშათა დემონსტრაციისათვის, ამიტომ ცენტრალური კავშირი აღიარებს სექტემბრის პირველ ორშაბათს შრომის დღეთ და ამ დღეს უნდა შეწყდეს ყოველნაირი მუშაობა. ამ ნაირათ აქედან წარმოდგა იდეა ყოველწლივ ერთი დღის დღესასწაულისა. ჰიკაგოს კონგრესმა წამოაყენა კითხვა რვა საათის დღის შემოკლებაზე ერთ რომელიმე დღიდან (პირველ მაისიდან 1886 წლისა), ხოლო ნიუორკისამ დღესასწაული ერთ რომელსამე დღეს (სექტემბრის პირველ ორშაბათს), ეს არის იდეა რეფორმის და იდეა დღესასწაულის!

1886 წელს დეკემბერში ეს ორივე გადაწყვეტილება შეათანხმეს ერთ საერთო კონგრესზე და დაადგინეს: სექტემბრის პირველი ორშაბათი ჩაირიცხოს მუშათა დღესასწაულად და იმავე დღეს გაიპართოს დემონსტრაციები რვა საათის სამუშაო დღის შემოღებისათვის. 1888 წ. კონგრესზე განიხილეს ეს დადგენილება და ერთი დელეგაციის წინადადებით სექტემბრის ორშაბათის მაგიერ დაინიშნა პირველი მაისი.

ამნაირათ ამერიკის მუშებმა შეამუშავეს პირველი მაისის იდეა, რაიცა ინატება იმაში, რომ ეს დღე ედღესასწაულათ და კაპიტალისტებისაგან შრომის პირობების შეცვლა მოეთხოვნათ; მაგრამ ამასთანავე უარ ყოფდენ მუშათა ცალკე პოლიტიკურ პარტიის შედგენას და მთავრობაზე ძალის დატანებას ცვლილებების შემოსაღებათ.

ში ეს უკანასკნელი იდეა დაიბადა საფრანგეთში.

4 ნოემბერს 1888 წელს ლიონში მომხდარ მუშათა სინდიკატების კონგრესმა მიიღო შემდეგი:

„რადგანაც—
„დიდი ხანია, რომ მუშათა ორგანიზაციები თხოულობენ სხვა და სხვა რეფორმებს სახელდობრ: რვა საათის სამუშაო დღეს, დღის ქირის მინიჭემს (უმცირესი), კაპიტალისტთა პასუხის მებლობას მუშის უბედური შემთხვევის დროს, აღზრდას ბავშთა და შენახვას დაერლომილთა და მოხუცებულთა საზოგადო ხარჯით, და სხვა და სხვა,

„და რადგანაც ყველა ეს მოთხოვნილება ხდება თვითეული ორგანიზაციის მიერ ცალ-ცალკე და ამის გამო არავითარ ყურადღებას არ აქცევენ, ამიტომ აუცილებლად საჭიროა ამ მოთხოვნილებათ მიეცეს ახალი ფორმა და ახალი ძალა. ფორმა საერთო და საყოველთაო, ძალა მედგარი და პირდაპირი. ამისათვის კონგრესი ადგენს: 1) კვირას მომავალთ თებერვალს საფრანგეთის ყველა სინდიკატების მუშებმა და ორგანიზაციებმა სასოფლო, სამაზრო



და საგუბერნიო სამმართველოებში გაგზავნოს დეპუტატები და მოითხოვონ შემდეგი რეფორმები: ა) რვა სასთის სამუშაო დღე. ბ) დანიშნა ქირის მინიმუმისა (უმცირესი), რომლის დაბლა ვერასოდეს ვერ დაეშვება ქირა, ხოლო მაღლა-კი აიწევს. გ) ოცდა ოთხ თებერვალს იგივე დეპუტაცია უკან დაბრუნდება პასუხს მოიკითხავს, ხოლო მანამდე-კი მანიფესტაციები ამ რეფორმების სასარგებლოთ გაზიარდება. ვ) კონგრესის თვითეული დელეგატი მოვალეა უკან დაბრუნებისათნავე ეს მოძრაობა შეამზადოს და სისრულეში მოიყვანოს.

ამნაირათ, როგორც ხედავთ, აქ კაპიტალისტებზე აღარ არის ლაპარაკი, ლაპარაკია მთავრობაზე, მან დააკანონოს რეფორმები და მას დავატანოთ ძალა და მართლაც დანიშნულ დღეს საფრანგეთის სამოც უმთავრეს ქალაქის მუშებმა, როგორც ერთი კაცი, ისე შეასრულეს კონგრესის გადაწყვეტილება. ამ შესანიშნავ მანიფესტაციამ, ამ საკვირველ ერთ სულობაში გააშტერა მთელი საფრანგეთი და ალაპარაკა მთელი ქვეყანა.

ამ გარემოებამ საფრანგეთის მუშებში დაბადა ის აზრი, რომ თუ ერთი ერის მუშებმა ასეთი შთაბეჭდილება მოახდინეს, რაღა იქნება მაშინ, როცა მრავალი ერის მუშა ერთ დღე: ერთნაირ მანიფესტაციას მოახდენსო! და აი, 14 ივლისს 1889 წელს პარიზის ინტერნაციონალურ მუშათა კონგრესზე ერთმა მუშამ **ლაპინიშ** წინადადება წარადგინა: „ერთ რომელიმე დღეს მოხდეს ინტერნაციონალური მანიფესტაცია ისე, რომ ყველა ქალაქის და ყველა ერის მუშებმა ერთ და იმავე დღეს მთაწობისაგან მოითხოვონ იგი საათის სამუშაო დღე და ამ კონგრესის განაჩენთა განხორციელებაო. კონგრესმა ეს აღფრთოვანებით მიიღო, მხოლოდ ბებელის და ლიბკნეხტის წინადადებით ამას მოუმატეს: „სხვა-და სხვა ქვეყნის მუშებმა ეს გადაწყვეტილება სისრულეში მოიყვანონ ისე, როგორც ნებას მისცემს ადგილობრივი პოლიტიკური მდგომარეობაო“, ე. ი. იქ, სადაც თავისუფლება არ არის, სხვანაირათ უნდა მოხდეს და სადაც თავისუფლებაა, კიდევ სხვანაირათა.

ასე და ამ გვართ კონგრესმა დააკანონა საერთო მანიფესტაცია, მარა როდის და რომელ დღეს? აი მაშინ წარმოდგა ამერიკის დელეგატი და კრებას მოაგონა ამერიკელთა გადაწყვეტილება პირველ მაისობის შესახებ და თხოვა ეს საერთო დღე ყოფილიყო პირველი მაისი, რაც მიღებულ იქმნა.

ამ სახით პირველ მაისის დღეობა მოგვცეს ამერიკის მუშებმა, ხოლო პირველი მაისის პოლიტიკური იდეა საფრანგეთისამ და ეს ორივე შეერთებულ იქმნა ინტერნაციონალური კონგრესის მიერ.

მარა ეს გადაწყვეტილება ეხებოდა მხოლოდ 1890 წლის პირველ მაისს. ამის განმეორებაზე-კი არა თქმულარა და აი ყოველ წლიური განმეორება დაადგინა ბრიუსელის ინტერნაციონალურმა კონგრესმა 1891 წელს. აი ამ კონგრესის განაჩენი:

„კონგრესი, რომ შერჩეს პირველ მაისს თავის ნამდვილი ეკონომიური და კლასთა ბრძოლის ხასიათი, აწესებს:

„უნდა მოხდეს ერთი საერთო დემონსტრაციული ქვეყნის მუშებისა. ამ დემონსტრაციის დღე დანიშნოს პირველი მაისი და პირველ მაისს-შრომა შეჩერებულ იქმნას, სადაც-კი ეს შეიძლება“.

ეს გადაწყვეტილება მიღებულ იქმნა ყველა ერის მუშათა ნაციონალურ კონგრესებზე (საფრანგეთის, გერმანიის, იტალიის, ავსტრიის, ისპანიის, პორტუგალიის და სხვ. და სხვ. ბოლოს ინგლისის) და ხელმეორედ განამტკიცა ციურბის ინტერნაციონალურმა კონგრესმა 1893 წელს, რომელსაც დავსწრენ რუსეთის მუშათა წარმომადგენელნიც, ხოლო თავის მხრივ კონგრესმა მიუმატა შემდეგი:

თვითეული ქვეყნის სოციალდემოკრატია დებულობს ყოველივე ღონეს პირველ მაისს მოხდეს მუშაობის შეჩერება და ეს დღე შეიქნეს დღით საერთო კლასიურ მანიფესტაციისა და ამ კლასის მისწრაფების საჯაროდ გამოცხადებისა, იმ მისწრაფების, რომ არსებულ წყობილებას ბოლო მოუღოს სოციალური რევოლუციით, გაუქმოს კლასთა სხვადასხვაობა და მით ერთ და იმავე ერში და სხვადასხვა ერთა შორის დაამყაროს მშვიდობიანობა!..

მუშაობ!

ხომ ხედავთ, პირველ მაისობის ისტორია გძელი ისტორიაა, ხომ ხედავთ, როგორ წელნელა გაიზარდა და გადიდდა ის, ხომ ხედავთ რამდენ ქვეყანაში და რამდენ კონგრესებზე იქმნა განაჯალი მისწორებული და ბოლოს მიღებული, ხომ ხედავთ, როგორ ასრულებს ყველა ერის მუშა ხალხი თავიანთ კონგრესების გადაწყვეტილებას!

მაშ, შეუერთდეთ ჩვენც ევროპის მუშებს, შეუკავშირდეთ ჩვენს მოძმეებს, შეუსისხლხორცდეთ მთელი ქვეყნის პროლეტარიატს და შევისისხლხორცოთ იგი. აღმართოთ ჩვენც მათ მიერ აღმართული დროშა, დროშა, რომელიც ჩვენიც არის, ვიბრძოლოთ იმ დროშის ქვეშ მათთან ერთათ და ვაბრძოლოთ ისინი ჩვენთან ერთად, ეიქმნეთ მათი ამხანაგნი ბრძოლაში და ეიქმნებით მით ამხანაგი გამარჯვებაში, გავიზიაროთ მათი გაჭირვება და გავიზიარებთ მათ დაღბინებას!..

მაშ, ვიდღესასწაულოთ პირველი მაისი, ვიდღესასწაულოთ ეს ერთად ერთი ჩვენი დღე. იცოდეთ რომ ყველა დანარჩენი დღესასწაული ჩვენი დღესასწაული არ არის: ჩვენია მხოლოდ პირველი მაისი, იცოდეთ, რომ ყველა დანარჩენი დღე ჩვენ გვაერთებს ჩვენ მტრებთან, ჩვენ გვაკავშირებს კაპიტალისტებთან, ეანდარებთან, ბერებთან, ყველა იმ ხალხთან, რომელიც ჩვენ კისერზე ზის და ჩვენ სისხლსა სწოვს. ერთათ ერთი პირველი მაისი გვაპირებს მათგან, ერთათერთი პირველი მაისი გვაძლევს საკუთარ სახეს, გვაგნებიებს საკუთარ ძალას და საკუთარ მოწოდებას!

იცოდეთ, რომ დღეს ბრძოლის ველზეა გამოსული მთელი ქვეყნის პროლეტარიატი! გაუწოდოთ მას ხუთი, გავძახოთ ჩვენი ხმა, ჩავდგეთ მის ფერხულში და აი ეს ფერხული, ეს გზაა, რომ ჩვენ შეგვიყვანს ალთქმულ ქვეყანაში!....

